

# 佛說盂蘭盆經講義 科判

西晉三藏竺法護 譯經 圓瑛法師 講義

釋道淨 整理 20240729 2 稿 微信 qq 973451196 校對 禁止商用篡改 法律責任必究

科判				經文	
分七	甲一總釋經題			佛說盂蘭盆經	
	甲二啟教因緣		甲三藏乘所攝	甲四辨定宗旨	甲五顯明力用
	甲六前後三譯			晉武帝時刹法師 所譯	
	乙一初分二	丙初證信序		聞如是，一時佛在舍衛國，祇樹給孤獨園。	
		丙二發起序分四	丁一得通報恩	大目犍連，始得六通。欲度父母，報乳哺之恩。	
			丁二乘通覓母	即以道眼，觀視世間，見其亡母，生餓鬼中，不見飲食，皮骨連立。	
			丁三悲墮救濟	目連悲哀，即以鉢盛飯，往餉其母。	
			丁四難轉定業	母得鉢飯，便以左手障鉢，右手搏食。食未入口，化成火炭。	
	乙二正宗分二	丙初目連悲陳苦厄		目連大叫，悲號涕泣，馳還白佛，具陳如此。	
		丙二如來為救倒懸分六	丁初彰母罪深餘力難救		佛言汝母，罪根深結，非汝一人，力所奈何。汝雖孝順，聲動天地，天神地祇，邪魔外道道士，四天王神，亦不能奈何。
			丁二顯僧德重聖眾能度		當須十方眾僧，威神之力，乃得解脫。
			戊初許說救法	吾今當說救濟之法，令一切難，皆離憂苦。	
				佛告目連，十方眾僧，七月十五日，僧自恣時。	
				當為七世父母，及現在父母，厄難中者。	
				具飯百味五果，汲灌盆器，香油錠燭，床敷臥具，盡世甘美，以著盆中，供養十方，大德眾僧。	
			戊四讚歎勝田	當此之日，一切聖眾，或在山間禪定，或得四道果，或在樹下經行。	
				或六通自在，教化聲聞緣覺；或十地菩薩大人，權現比丘，在大眾中，皆同一心，受鉢和羅飯，具清淨戒，聖眾之道，其德汪洋。	
			戊五父母獲益		其有供養，此等自恣僧者，現世父母，六親眷屬，得出三塗之苦，應時解脫，衣食自然。若父母現在者，福樂百年。若七世父母生天，自在化生，入天華光。
		丁四敕令眾僧受供之儀		時佛敕十方眾僧，皆先為施主家咒願，願七世父母，行禪定意，然後受食。初受食時，先安在佛前，塔寺中佛前，眾僧咒願竟，便自受食。	
		丁五孝子依教修供報恩		時目連比丘，及大菩薩眾，皆大歡喜。目連悲啼泣聲，釋然除滅。	
		丁六慈母獲益離苦得樂		時目連母，即於是日，得脫一劫，餓鬼之苦。	
分七	乙三通流分五	丙一申請快慰		目連復白佛言：弟子所生母，得蒙三寶功德之力，眾僧威神之力，故若未來世，一切佛弟子，亦應奉盂蘭盆，救度現在父母，乃至七世父母，可為爾不？佛言大善快問：我正欲說，汝今復問。	
		丙二普令修供		善男子，若比丘比丘尼、國王太子、大臣宰相、三公百官、萬民庶人、行慈孝者，皆應先為所生現在父母、過去七世父母，於七月十五日，佛歡喜日，僧自恣日，以百味飯食，安盂蘭盆中，施十方自恣僧。	
		丙三願益存亡		願使現在父母，壽命百年無病，無一切苦惱之患，乃至七世父母，離餓鬼苦，生人天中，福樂無極。	
		丙四常憶報恩		是佛弟子，修孝順者，應念念中，常憶父母，乃至七世父母，年年七月十五日，常以孝慈，憶所生父母，為作盂蘭盆，施佛及僧，以報父母，長養慈愛之恩。	
		丙五勸持奉行		若一切佛弟子，應當奉持是法。時目連比丘、四輩弟子，歡喜奉行。	